



Betulkan niat bertanding pemilihan MPP

BH 30.10.2014 v13

Menjadi seorang pemimpin mahasiswa bukanlah perkara mudah kerana membabitkan pengorbanan. Pemimpin pelajar bukan saja perlu hebat dalam aspek kepemimpinan tetapi juga dari segi akademik.

Pemimpin baik mementingkan masa yang merupakan kunci kejayaan dalam melakukan tugas.

Kepada calon bakal bertanding dalam Pemilihan Majlis Perwakilan Pelajar (MPP), paling penting ialah membetulkan niat dan niat (bagi yang beragama Islam) mesti kerana Allah.

Bagi calon yang mempunyai niat bertanding disebabkan ingin popular, saya mencajangkan supaya menghentikan niat anda kerana kesannya bukan saja kepada pembangunan universiti tetapi juga terhadap diri sendiri.

Asas kepemimpinan ialah hormat-menghormati antara satu sama lain, merendah diri dan sentiasa memperbaiki

kekurangan diri.

Kadangkala pemimpin akan lupa apabila berada di atas, tidak mahu tunduk ke bumi. Jangan sombong dalam melaksanakan tugas dan amanah diberikan.

Yang lebih penting ialah belajar dan berusaha memperbaiki diri. Sepanjang menjadi pemimpin mahasiswa, banyak perkara saya pelajari apabila berpeluang mengikuti sebarang program kepemimpinan seperti Program Felo Perdana.

Jangan sombong

Baru-baru ini, saya terpilih menyertai delegasi Malaysia bersama-sama Kementerian Luar bawah kepimpinan Datuk Seri Anifah Aman untuk mengikuti proses pemilihan ahli tidak tetap Majlis Keselamatan, Pertubuhan Bangsa-bangsa Bersatu (PBB) di New York, Amerika Syarikat.

Peluang itu menjadi pengalaman antara yang paling bermakna dalam hidup saya dan tidak akan dilupakan sampai bila-bila.

“

BAGI SAYA, KUNCI KEJAYAAN MEREKA IALAH DIPLOMASI DAN KEBIJAKSANAAN DALAM MENGENDALIKAN FORUM SERTA BERJUMPA DENGAN SEMUA PERWAKILAN SELURUH DUNIA BAGI MEMBINA JARINGAN ANTARABANGSA”



Sepanjang mengikuti rombongan itu, saya melihat Kementerian Luar berusaha sehabis mungkin memastikan Malaysia menjadi ahli tidak tetap bagi Penggal 2015-2016.

Kunci kejayaan

Bagi saya, kunci kejayaan mereka ialah diplomasi dan kebijaksanaan dalam meng-

endalikan forum serta berjumpa dengan semua perwakilan seluruh dunia bagi membina jaringan antarabangsa.

Saya berpeluang melihat proses pengundian di dalam dewan persidangan Majlis Keselamatan PBB yang sememangnya dijalankan secara demokrasi dengan undi adalah rahsia.

Lebih manis, saya dapat bersua dengan semua perwakilan dari seluruh negara anggota PBB.

Sepanjang bersama-sama rombongan itu, saya banyak mempelajari teknik diplomasi, berkomunikasi secara baik dan melakukan kerja dengan pantas tanpa menyetepikan aspek kualiti.